



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
9-300

Xuv Cuaj – Cov Cai Kev Yuam Siv

Cov Ntawv Tso Cai Ntes

9-302 Cov Ntawv Tso Cai Ntes

(04/08/22)

Kev hloov kho cov cai ua ntej: (06/12/02) (06/19/02)

A. Cov Cai Uas Raug Raws Cai Lij Choj

Saib raws li P&P 5-102:

1. "Cov tub ceev xwm yuav tsis lam ntes tej tus neeg twg los sis tshawb nrhiav tej thaj chaw twg tshwj tsis yog muaj ntawv tso cai ntes los sis thaum uas qhov kev ntes los sis qhov kev tshawb nrhiav uas hais los ntawd tau txais kev tso cai yam uas tsis muaj daim ntawv tso cai ntes raws li cov kev cai lij choj ntawm Teb Chaws Mes Kas."
2. "Cov neeg ua hauj lwm yuav tsis txwv kev ywj pheej ntawm cov neeg tib neeg, tsis hais yuav yog kev ntes los sis kev ceev cia, uas yog kev yuam Cov Kev Cai thiab cov kev cai lij choj ntawm Teb Chaws Mes Kas thiab Xeev Minnesota."

B. Muab Kev Pab Cuam Nyob Rau Hauv Minnesota

Tej zaum MPD cov tub ceev xwm yuav muab kev pab cuam cov ntawv tso cai ntes nyob rau hauv Xeev Minnesota.

C. Kev Lees Txais Daim Ntawv Tso Cai Ntes

1. Cov tub ceev xwm uas txuas lus rau tus neeg uas tau ua xyem xyav tias xav ntes raws li daim ntawv tso cai ntes yuav lees txais tias daim ntawv tso cai ntes yog muaj los ntawm MECC.
2. Yog tias daim ntawv tso cai ntes ua los ntawm sab nrauv xeev, ces cov tub ceev xwm yuav tau txais tus nab npawb daim ntawv tso cai ntes los ntawm MECC thiab muab nws rau tus neeg ua hauj lwm nyob ntawm HCADC.

D. Tus neeg Cov Duab los sis cov ntawv qhia uas luv - luv

Yog tias muaj, cov duab thajj uas ua xyem xyav los sis cov ntawv qhia uas luv - luv tsim nyog tau txais ua ntej muab kev pab cuam cov ntawv tso cai ntes neeg ua phem los sis thaum ua zoo los ntes tus neeg ua phem.

E. Kev Tshaj Tawm Qhov Kev Ntes thiab Kev Ceeb Toom Rau Tus Neeg Phem ntawm Daim Ntawv Tso Cai Ntes

Saib raws li MN Sab Cai tshooj 629.32 thiab P&P 5-301, tus tub ceev xwm yuav tau ceeb toom rau tus neeg phem tias tus tub ceev xwm tab tom ua kev nqis tes raws li daim ntawv tso cai ntes, thiab yuav nthuav qhia daim ntawv tso cai ntes rau tus neeg pom yog tias muaj kev thov kom ua li ntawd. Qhov kev ntes los ntawm tus tub ceev xwm uas ua kev nqis tes raws li daim ntawv tso cai ntes yog qhov kev nqis tes uas raug raws cai lij choj tab txawm tias tus tub ceev xwm yuav tsis muaj daim ntawv tso cai ntes nyob rau ntawm tes nyob rau lub sij hawm ua qhov kev ntes los xij, tab sis yog tias tus neeg uas raug ntes thov kom ua li ntawd ces yuav tsum nthuav qhia daim ntawv tso cai ntes rau tus tib neeg ntawd pom kom sai li sai tau thiab raws li tuaj yeem ua tau. Tej zaum tus tub ceev xwm yuav tuaj yeem ntes tau tus neeg ntawd uas raug raws li kev cai lij choj thaum uas lwm tus tub ceev xwm saib xyuas kev thaj yeeb nyob rau hauv lub xeev qhia tias tau tawm daim ntawv tso cai los ntes tus neeg ntawd lawm.

Nco tseg: Tus tub cev xwm tuaj yeem nthuav qhia tau daim ntawv tso cai ntes los ntawm pab pawg neeg ua hauj lwm lub khoos phis tawj.

F. Kev Siv Dag Zog los Ua Kev Ntes

Tej zaum tsuas muaj kev siv dag zog los ua qhov kev ntes uas saib raws li P&P 5-300, thiab cov kev cai lij choj ntawm Tsoom Fwv, Xeev los sis hauv zos xwb.

G. Lub Sij Hawm Muab Kev Pab Cuam Daim Ntawv Tso Cai Ntes

1. Cov ntawv tso cai ntes neeg ua txhaum me

Saib raws li MN Tsab Cai tshooj 629.31, tej zaum qhov kev ntes tus neeg ua txhaum me tsuas ua tau nyob rau ncuaj sij hawm cov teev sij hawm thaum 8:00 teev sawv ntxov thiab 10:00 teev tsaus ntuj xwb thiab tsuas nyob rau cov hnuv Monday txog Saturday xwb, raws li cov kev zam hauv qab no:

- a. Qhov kev ntes tus neeg ua txhaum me tej zaum yuav ua tau nyob rau hnuv Sunday los sis ncuaj ntawm 10:00 teev tsaus ntuj thiab 8:00 teev sawv ntxov nyob rau lwm hnuv thaum tus kws txiav txim plaub ntug tawm lus txib nyob rau hauv daim ntawv tso cai ntes tias tej zaum yuav ua tau qhov kev ntes nyob ncuaj ntawm cov teev sij hawm ntawd; los sis
- b. thaum pom tus neeg uas muaj npe nyob rau hauv daim ntawv tso cai ntes nyob rau hauv zej tsoom txoj kev loj los sis txoj kev.

2. Tus neeg ua txhaum loj thiab cov ntawv tso cai ntes Tus Neeg Ua Phem

Saib raws li MN Tsab Cai tshooj 629.31, tej zaum qhov kev ntes tus neeg ua phem los sis tus neeg ua txhaum loj yuav ua tau nyob rau txhua hnuv thiab thaum twg los tau nyob rau nruab hnuv los sis hmo ntuj.

H. Kev thauj mus los

Yog tias muaj daim ntawv tso cai ntes rau tus tib neeg, ces tus neeg uas xav tias muaj kev txhaum yuav raug thauj mus rau ntawm Hennepin Khauj Tim Lub Chaw Ceev Cia Neeg Laus (Hennepin County Adult Detention Center, HCADC).

I. Kev Lis Daim Ntawv Tso Cai Ntes- Cov Nqi Txhab Ntxiv

Cov tub ceev xwm uas ntes tus neeg uas xav tias muaj kev txhaum uas muaj daim ntawv tso cai ntes, tej zaum yuav ua tau qhov kev ntes tus neeg uas xav tias muaj kev txhaum raws li daim ntawv tso cai ntes thiab kev txhaum txhab ntxiv tib si.